

Ammasumik ataatsimiinnermi oqaluuserisassat:

Imm. 1 Oqaluuserisassat akuersissutigineri

Imm. 2 Allaffeqarfimmit paasissutissiineq

Imm. 3.2 Nunaqarfinni aqqusinernut aningaasaliissutit, suliniut 500141

Imm. 3.3 Sisimiuni nutarsaanermut aningaasaliissutaasunit agguaassineq

Imm. 4.1 2022-mi Teknikkeqarnermut ataatsimiititaliap ataatsimiittarnissaanut siunnersuutit.

Imm. 4.2 Sisimiuni inniminniisarnermut centralimik pilersitsisoqarnissaa pillugu qinnuteqaat

Imm. 4.3 Aqquserngit qimmeqarfinnillu nutaanik immikkoortitsineq

Imm 4.4 Maniitsumi aalisartut talittarfiat puttasullu tattorliuuffiusut

Ataatsimiinneq allartippoq nal. 12:30

Ataatsimiinneq naammassivoq nal. 15:00

Peqataasut:

Inuit Ataqtigiit

Nivi H. Efraimsen

Siumut

Gideon Lyberth
Aqqalu Skifte
Barnabas Larsen

Partii Naleraq

Karl Lyberth

Nalunaaruteqarlutik peqataanngitsut:

Nalunaaruteqaratik peqataanngiPeqtsut:

Imm. 2 Allaffeqarfimmit paasissutissiineq

Maniitsumi allaffeqarfik

Januarip ingerlanerani allaffeqarfik napparsimanernik sulinnigiffeqarnernillu eqqugaaqqavoq. Ingerlatsinermik aqutsisussamik atorfinititsisoqarpoq. Aputaajaaneq annertoq illoqarfimmi ingerlanneqarpoq.

Sanaartugassaq familiecenteri-p sanaartorneqarnera pissusissamisut ingerlaqqilerpoq, ataatsimiinnissap tullissaanut sukumiinerusumik paasissutissiissutigineqassaaq.

Atammimmi inuusuttunut inissiat sanaartorneqarnissaat suliariumannittussarsiuunneqarpoq.

Iliveqarfiliorniarneq pissusissamisut ingerlavoq.

Bussit unittarfiinut tunngasoq, ataatsimiinnissap tullissaani oqaluuserisassatut saqqummiunneqassaaq.

Sisimiuni allaffeqarfik

Ingerlatsinermut aqutsissarsioqqittoqassaaq, qinnuteqarnikup qinnuteqaatini utertimmagu.

Utoqqaat inissiassaataq aqqaneq marluk, naammassipput. Attartortitsinissamullu tunngatillugu suliaasaq INI-mut ingerlateqqinneqarluni.

Sisimiuni kuuffissuarnik piorsaanissamut, suliarinnittussarniornissaq 28. februar ingerlanneqassaaq. Aningaasat tassunga atugassat, aningaasaliissutinut ukiunut arlaqartunut attuumassuteqarmata, ataatsimiinnissap tullissaanut oqaluuserisassatut saqqummiunneqassapput.

Innarluutillit isaariaasa silataani niffassisartut, ikuallaavimmi kalaalimineerniarfimmilu sulisut amerlasuut napparsimanernik eqqugaaqqapput. Suliassat pingaarnert, soorlu Innarluutillit isaariaasa silataani niffassinerit, usingaasartunik attarsilluni suliarineqarput.

Imm. 3.2 Nunaqarfinni aqqusinernut aningaasaliissutit, suliniut 500141

Journal. nr. 23.01

Tunuliaqutaq

2022-mut sanaartornermut missingersuutitigut nunaqarfinni aqqusineqarnermut 1,2 mio. koruunik immikkoortitsisoqarpoq.

Maleruagassatigut tunngavigisaq:

Teknikkeqarnermut ataatsimiititaliaq Qeqqata Kommuniani sanaartornermut immikkoortortamut akisussaasuvoq.

Pissutsit atuuttut

Nunaqarfinni aqqusineqarnermut 2022-mut missingersuutini 1,287 mio. koruunik ukiunullu 2023-mut 2024-mullu missiliuteqarfiusunut 2 mio. koruunik immikkoortitsisoqarpoq. Aningaasaliissutit nunaqarfinnut ataatsimoorussamik atuiffimmut Sanaartornermut atuiffik 562040600 Aqqusineqarnermut immikkoortinneqarput – ataatsimoorussamik suliniut nr. 500141-tut.

2021-mut missingersuutinut aqqusinernut aningaasaliissutit annertunertai Kangerlussuarmi Extreme E-p ingerlatinngilaataa aqqusinernut ujaraaqqanik qalligaasumik iluarsartuussinernut atornerqarput.

Ingerlatsinernut atuiffik SIS-ingerlatsineq Teknik 562040800-mut aammalu Man-ingerlatsineq Teknik 563030800-mut nunaqarfinni aqqusinernik majuartarfinnillu pioreersunik ujaraaqqanik qallersuinernut, aputaajaanernut, annikitsumillu iluarsartuussinernut ingerlatsinernut aningaasaliissutinik immikkoortitsisoqartarpoq. Aqqusinernilli majuartarfinnillu annertunerusumik iluarsartuussinernut alliliinernulluunniit aningaasaliissutit taakku naammangillat.

Atuilluartuunissakkut kingunerisinnaasai

Nunaqarfinni aqquserngit pioreersut aserfallannginnissaat, angallanermili sillimaniarnerup siammartinnissaanut pitsanngorsarneqarunik atuilluartuuneruvoq.

Aningaasaqarnikkut allaffissornikkullu kingunerisinnaasai

Maluginiarneqassaaq nunaqarfinnut allanut sanilliullugu Sarfannguit aqquserngi pitsaannginnerujussuusut, illuatungaani Kangerlussuaq nunaqarfinnut allanut sanilliullugu km-eqarnerujussuarnik aqqusineqarluni.

Allaffeqarfiup naliliinera

Allaffeqarfiup nalilerpaa, aningaasat immikkoortinneqarnikut aqqusinernut pingaarutilinnut nunaqarfinni Kangerlussuarmi Kangerlussuullu eqqaani piusunut naammangitsut. Ingammik Sermersuarmut aqquserngup 2005-imi tiguneqarnerani aqqusinernut tassunga asserfallatsaaliinissamut aningaasanik immikkoortitsisoqarnikuuvoq, taanna kommunimi takornariaqarnermut sulit atornerqartassaguni, maanna iluarsartuunneqangaatsiartussanngornikuulluni.

Allaffeqarfik naliliivoq, 1,287 mio. koruunit aningaasaliissutaasut atorlugit, Sermersuarmut aqquserngup 2022-mi iluarsartuunneqarnissaa ukkatarineqartariaqartoq. Tamatumalu saniatigut 2023-mut 2024-mullu aningaasaliissutit immikkoortinneqartut atorlugit nunaqarfiit sinnerisa aqquserngi qanoq pitsanngorsarneqarsinnaanersut, immaqalu allilerneqarsinnaanersut nalilersorneqartariaqaraluarluni.

Kangerlussuarmi aqquserngit iluarsartuunneqarnissaannut 2022-mut aningaasaliissummi 1,287 mio. koruunit atorpeqarsinnaapput.

2023-mut 2024-mullu missingersuutini aningaasaliissutit Kangerlussuarmi nunaqarfiillu sinnerinut aqqusinernut agguataarneqarsinnaapput. Ass. Sarfannguani aqquserngit ullumikkut ajorluinnarput, allaat assaateeqqanik aqqusinikkoortoqarsinnaananani, tamannalu eqqagassanik annertunerusunik assartuinissamut unmmillernartitsilluni.

Suliniutinik suliariumannittussarsiukkanillu aallartisaanissamut, aningaasaliissutit ukiunut arlalinnut atugassaqaqtitsinissaq pisariaqarpoq. Entreprenørit suliassamut soqutiginnissappata, suliniutinut annertunerusunut ikinnerusunut aningaasanik katersisinnaanissaq pisariaqarpoq.

Pilersaarusiortoqarsinnaassappat, 2022-mut, 2023-mut 2024-mullu aningaasaliissutinik siusissukkut pilersaarusiorneq agguataarinerlu, siunissamut pitsaanerpaamik pilersaarusiornissamik kinguneqassaaq.

Innersuussut

Allaffeqaarfimmit Teknikkeqarnermut Aningaasaqarnermullu ataatsimiititaliamut akuerisassanngorlugu innersuussutigineqarpoq,

2022-mut nunaqarfinni aqqusineqarnermut aningaasaliissutit 1,287 mio. koruunit uunga atorpeqassasut:

- Sermersuarmut aqqusineq,

2023-mut 2024-mullu nunaqarfinni aqqusineqarnermut aningaasaliissutit 2 mio. koruuninit tullinnguuttunut atorpeqassasut

- 1 mio. koruuni Kangerlussuarmi Sermersuarmut aqqusinermut.
- 1 mio. koruuni Sarfannguani aqqusineqarnermik pitsanngorsaanermt.

Aalajangiineq

Akusersissutigineqarpoq,

Ilannguteqquneqarlunilu Kangerlussuarmi umiarsualivimmullu aqqusineq, oqaluuserisassap aningaasaqarnermut ataatsimiititaliamut ingerlateqqinneqarnerani.

Ilanngussat

1. Nuussinermut XL-ark

Imm. 3.3 Sisimiuni nutarsaanermut aningaasaliissutaasunit agguaassineq

Journal nr. XX.XX.XX ERP Illuutininut nutarsaanissamut aningaasaliissutit/Ataatsimoorussat 500001

Tunuliaqutaq

Qeqqata Kommuniani illunik inuussutissarsiorfiusunik aserfallatsaaliinissamik pilersaarusiornissamut 2017-imut missingersuutitigut nutarsaanissamut aningaasaliissutit pilersinneqarput, taamaaliornikkut siunissami illut piuinnaarsaat qulakkeerneqarsinnaalluni.

Suliniutit tullinnguuttut 2022-mi missingersuutini nalunaarusiamiittut naammassineqareerput missingersuutiniillu peerneqassallutik.

500008-001: Qammaqutinik qilaamik taasersuinerit il.il.

500038-001: 2020 oquk silaannarmilu pujoralak.

500276-001: 2020 Illup qaava

500274-001: 2020 Qalissiamik nutarsaaneq

500279-001: 2020 Innaallagisserinerimut oqartussanit nutaanngitsunit kukkusanik iluarsaassineq

500321: B-1295 TAI-mi kiammik aqutsissutinik taarsersuineq

500043-001: Ruujorinik ersinnartunik taarsersuineq/iluarsaassineq

Suliniutit tullinnguuttut 2022-mi missingersuutininut nalunaarusiamiittut inaarsarneqaleruttorput:

500037-001: Nuniaffik ungasiaaniit kiassarnermut attavilerneqarnera

500040-001: Sis Naalu ungasiaaniit kiassarnermut attavilerneqarnera

Teknikkeqarnermut Avatangiisinullu immikkoortortaq Sisimiut aamma Teknikkeqarnermut Avatangiisinullu immikkoortortaq Maniitsoq tamarmik immikkut Teknikkeqarnermut Avatangiisinullu ataatsimiititaliamut ukiumut aggersumut nutarsaanissamut aningaasaliissutinik agguataarinermi allannuutit pillugit immikkut tamarmik ukiut tamaasa suliamik saqqummiussisassapput. Selskabimik pilersitsinerimut atatillugu Esanip suliaanut atuiffiit arlallit atorlugit aningaasaliissuteqarneq peqqutaalluni, ukiuni 2021-imi 2022-milu agguataarneqartut katillugit 13 mio. koruuninut appartinneqarput. Sinneruttut 13 mio. koruunit agguariaaseq Sisimiuni Teknikkeqarnermut Avatangiisinullu immikkoortortamut 7,8 millionit aamma Maniitsumi Teknikkeqarnermut Avatangiisinullu immikkoortortamut 5,2 millionit atorlugu maanna agguanneqarput. Maniitsumi Teknikkeqarnermut Avatangiisinullu immikkoortortaq namminneq pissaminut kingusinnerusukkut missingersuusiussapput.

Maleruagassatigut tunngavigisaq

Teknikkeqarnermut Avatangiisinullu ataatsimiititaliap sanaartornermut atuiffimmut 562040600 akisussaasuvoq.

Qeqqata Kommuniata illuutini nammineq akisussaaffigai.

Pissutsit atuuttut

Aserfallatsaaliinermut aningaasaliissutit ukiorpasuarini killeqarnikuusimapput, taamaalillunilu paarinniinnarnissaq siunertaralugu aserfallatsaaliinissaq ajornakusoorsimalluni, tamatumalu saniatigut ileqqupalaajusimavoq, illut aatsaat aserfallalluinnaraangata suliaassanik aallartitsisarneq taamaaliornikkullu nutarsaanissaq akisunerusarluni.

Nalinginnaasumik piffissaagallartillugu aserfallatsaaliineq ingerlanneqartassaaq, taamaalilluta siunissami piginnarsinnaaniassagsigit.

2022-mut agguatarineq, 2020-2021 nutarsaanissamut aningaasaliissutinut missingersuutiniq nalilersueqqinneruvoq. 2022-mut missingersuutini suliniutit ingerlareersut ingerlatiinnerneqassapput, soorlu Nalunnguarfiup Atuarfimi igalaanik taarsersuineq aammalu ungasianit kissamik aqutip allilerneqarnerata ingerlaqqinnissaa. Tassunga ilanngunneqassallutik Sarfannguani Itillimilu kommunip illuutaani kissarsuutiniq nutaanngitsunik taarsersuineq, tamannalu 2021-mi iluarsaassinermi akisoorujussuusimalluni, aammalu taamaaliornikkut taakkununga ingerlatsinermut aningaasartuutit uuliamillu atuinerup minnerulernissaa misilinniarneqarpoq.

Atuilluartuunissakkut kingunerisinnaasai

Pilersaarutitut aserfallatsaaliinerup kingunerissavaa, atortuutitta illuutittalu siunissamut paariinnerneqarnissaat sivisunerusumilu atorneqarsinnaanissaat. Aammattaaq illuutigut pioreersut paariinnarsinnaagutsigit pisariaqanngitsumik illunik nutaanik sanasariaarutissaagut, tamannalu inuiaqatigiinnut akikinnerussaaq.

Aningaasaqarnikkut allaffissornikkullu kingunerisinnaasai

Sisimiuni Teknikkeqarnermut Avatangiisinullu immikkoortortaq 2022-mi nutarsaanermut aningaasaliissutit pillugit aningaasanik immikkoortitanik agguataarinissamut 7.8 million koruuninik siunnersuutitalimmik ilanngussamik 1-mik takkusaqarpoq. Itutigitillugu suliniutini ataasiakkaani imaluunniit ajoqutinik tassanngaannaq pilersoqartillugu iluarsisariaqakkanik isumaqatigiissusiortoqarnera malillugu sapinngissamik pitsaanerpaamik aningaasaliissutit tamakkiisut atorsinnaajumallugit, ukiup naatsorsuuseriffiusup ingerlanerani agguataarinermi allatut pingaarnersiunissamut Teknikkeqarnermut Avatangiisinullu immikkoortortaq pisinnaatinneqarpoq.

Allaffeqarfiup naliliinera

Aningaasaliissutit ilai sanaartukkat pigisatta piujuarnissaat siunertaralugu atussavagut, soorlu illup iikkersuutaanik qalipaannert, pisariaqalernerani nutaanik ussinnerusunik igalaalersuinnert, soorlu silaannarissarfilersuinnert, silaannarissarneq kuuffeqarnerlu eqqarsaatigalugit nutarsaanermut, sarfamik kiammillu atuinninnerulernissaaq aamma siunertaralugu.

Suliniutit missingersuutitaleriikkat aammalu ukiup siuliani aallartinneqarsimasut ingerlaannarnissaat pingaarutilerujussuuvuq, tamatuma qulakkiissammagu, suliniutit siusinnerusukkut akuersissutigineqartut naammassineqarnissaat.

Illut nutarsarneqarnissamik pisariaqartitsisut sinneri atuisut suleqatigalugit nassaarineqarput, pilersaarut tassaavoq, atuisunik suleqateqarluni ukiumiit ukiumut suliassanik nalilersueqqittarnissaaq, tamatumani pilersaarusiornermi atuisut pisariaqartitaat tunngavilersuutaallu ilanngunneqartassallutik. Taamaaliornikkut Teknikkeqarnermut Avatangiisinullu immikkoortortaq teknikkikkut tunngaviusumik misissuinnissamut piffissanissaaq.

Innersuussut

Teknikkeqarnermut Avatangiisinullu immikkoortortap Teknikkeqarnermut Avatangiisinullu ataatsimiititaliamut aamma aningaasaqarnermut ataatsimiititaliamut innersuussutigaa:

1. Sisimiuni Teknikkeqarnermut Avatangiisinullu immikkoortortap ataani Aserfallatsaaliinermut aningaasaliissutinut 7,8 mio. koruunit aammalu Maniitsumi Teknikkeqarnermut Avatangiisinullu

immikkoortortap ataani Aserfallatsaaliinermut aningaasaliissutitut 5,2 mio. koruunit ukiumut aningaasaliissutitut agguataarneqassasut.

2. Suliariumannittussarsiuussereernerup kingorna neqeroorutaasut missingersuutini naapertuutinngippata, missingersuutit tamakkiisut sinaakkutaasut iluanni Teknikkeqarnermut Avatangiisinullu immikkoortortaq naligiissaarisinnaanerani pingaarnersiuisinnaanerani pisinnaatineqassasoq. Nutarsaanermut aningaasaliissutit iluanni missingesutit iluarsisuteqarneq pingaarnersiunerlu Sisimiuni Teknikkeqarnermut Avatangiisinullu immikkoortortamit isumagineqartassasoq.

Aalajangiineq

Akuersissutigineqarpoq

Ilanngussat

1. 2022-mut nutarsaanermut aningaasaliissutit agguataarinissamut innersuussut.
2. Nuussinermut XL-ark

Imm. 4.1 2022-mi Teknikkeqarnermut ataatsimiititaliap ataatsimiittarnissaanut siunnersuutit.

Tunuliaqutaq

Ataatsimiititaliap 2022-mi ataatsimiiffissat ulluinik allattoqarfik siunnersuuteqarpoq.

Kingullermik ataatsimiinnerup kingorna, Aningaasaqarnermut ataatsimiititaliaq Kommunalbestyrelsilu ataatsimiittarnissamut ullut akuersissutigineqarput, taamaattumillu ataatsimiittarnissamut ullussatut siunnersuutit matumuuna nassiuneqarput. Teknikkeqarnermut ataatsimiititaliaq sisamannornikkut ataatsimiittarpoq, sapaatip akunnerani tassani Ilinniartitaanermut ataatsimiititaliaq ataasinngornerit ullaavani kiisalu Atugarissaarnermut ataatsimiititaliaq ataasinngornikkut ualikkut ataatsimiittarlutik.

Allaffeqarfiup naliliinera

Ullut ataatsimiiffissatut aalajangiiffissatut siunnersuutit tullinnguuttutut isikkoqarput:

Ataatsimiinneq nr.	Teknikkeqarnermut ataatsimiititaliaq	Aningaasaqarnermut ataatsimiititaliaq	Kommunal Bestyrelsi
1	3. februar	15. februar	24. februar
2	3. marts	15. marts	
	7. april	19. april	28. april
3	5. maj	17. maj	25. maj
4	2. juni	14. juni	23. juni
5		16. august	
6	8. september	21. september	19. september
7	6. oktober	18. september	27. oktober
8	3. november	15. november	24. november
9	1. december	13. december	

Innersuussut

Teknikkeqarnermut Avatangiisinullu immikkoortortap siuliani eqitsimmit ullut allassimasut Teknikkeqarnermut ataatsimiititaliamit akuereqqullugu innersuussutigaa.

Innersuussutigineqartoq akuersissutigineqassasoq

Aalajangiineq

Akuersissutigineqarpoq

Imm. 4.2 Sisimiuni inniminniisarnermut centralimik pilersitsisoqarnissaa pillugu qinnuteqaat

Journalnr. 70.03

Tunuliaqutaq

Sisimiuni inunnik angallassissutinut taxanik inniminnisarnermut centralimik pilersitsinissaaq pillugu taxanit 2021-mi juulip 28-ani qinnuteqaammik allaffeqarfik tigusaqarnikuvoq. Qinnuteqaammi akuersissutillit quliunerat tunngaviuvoq.

Inniminniinermut centrali inuttaqassanngilaq. Inniminniinermut centralip oqarasuaat atorlugu aammalu mobil atorlugu inniminniinerit app-eq atorlugu sullitat inniminniinerat taxanik ingerlatsisunut ingerlasoq tigusinnaavaa.

Maleruagassatigut tunngavigisaq:

Taxanik ingerlatitsisinnaaneq pillugu kommunip ileqqoreqqusaa august-ip 25-at 2016-imeersoq.

§ 7. Centralit piniarfigineqartartut kommunalbestyrelsimit akuersisaasimassapput.

Imm. 2. Centralit amerlineqarnissaat, Kommunalbestyrelsip akuersissutigisinnaavaa.

§ 8. imm. 2. Sisimiut illoqarfiani centralinut tamanut ikinnerpaamik taxat qulit nalunaarsimassapput.

Pissutsit atuuttut

Ullumikkut taxateqarnermut akuersissutaatilinnit tamanit attaveqarfigineqartumut Sisimiuni inniminniinermut centraleqarpoq.

Atuilluartuunissakkut kingunerisinnaasai

Inniminniinermut centralimik nutaamik siunertaasoq tassaavoq, centralimut siullermut sanilliullugu centrali sunnuteqarnerusumik ingerlanneqarnissaa, aammalu sullitanut sullissinermik pitsaanerusumik tunniussinissamat periarfissiissagunarłuni.

Aningaasaqarnikkut allaffissornikkullu kingunerisinnaasai

Biilit nalunaarsorneqarnerata normuanut tunngatillugu akuersissutit allaffissornikkut nutartigaapput, taamaalilluni qinnuteqartut quliusut taxateqarnermut ileqqoreqqusami aalajangersakkanik naammassinnipput.

Allaffeqarfiup naliliinera

Allaffeqarfik naliliivoq, taxanut inniminniinermut centrali nutaaq pillugu kissaat periarfissaasoq, qinnuteqartut taxateqarnermut akuersissutaatillit taxateqarnermut ileqqoreqqusami ikinnerpaamik quliunissaannik piumasaqaat naammassimmassuk.

Innersuussut

Allaffeqarfiup Teknikkeqarnermut Avatangiisinullu ataatsimiititaliamut malitsigisaanillu Aningaasaqarnermut ataatsimiititaliami Kommunalbestyrelsimilu akuereqqullugu innersuussutigaa,

Sisimiuni inniminniinermut centralimik immikkut pilersitsinissamat akuersissuteqartoqassasoq

Aalajangiineq

Akuersissutigineqarpoq

Ilanngussat

Imm. 4.3 Aqquserngit qimmeqarfinnillu nutaanik immikkoortitsineq

Journal. nr. 23.00

Tunuliaqutaq

Sisimiuni qimminik qimuttoqarnissap soqutigineqarnera annertusiartorpasippoq. Qimminut nutaanut inissanik amigaateqartoqarpoq, taamaattumillu qimmilivinnut nunaminertanik pissarsiniarnissaq pisariaqalerluni, imaluunniit qimmilivinnut aqqusinikkut appakaaffissaliinissaq, maannakkut qimmilivinnut appakaaffissat pitsaasuunngimmata. Piffissap sivikitsup iluanittaaq, illoqarfiup ineriartortinneqarneranut imaluunniit illoqarfiup ineriartortinneqarneranut atatillugu angallannikkut ajornartorsiulerneq patsisaalluni, qimmeqatigiit arfinillit missaaniittut nuutinneqartussaassapput. Heliportitoqqap eqqaani immikkoortumik ineriartortitsinikkut ilaatigut qimussimik, heliportitoqqap Knud Rasmussen Højskolillu akornanni inissisimasunut angallannermik ajornartorsiortitsivoq. Qimmeqarfiup tungaanut siusinnerusukkut qimussimik ingerlaviusartoq, immikkoortumi sanaartorfissagissaanerup kinguneranik unamillernartoqartitsivoq, sanaartorfissagissaanerup qimussinik ingerlavik assersimallugu. Tamatuma saniatigut immikkoortumi suliffeqarfinnik ingerlatsinerit arlaqarneratigut, qamutininik motoorilinnik angallattoqarluni. Kommuni pilersaarusiortifigineqarnerani tapiliussami nr. 24-mi pilersaarutitut tunngavik naapertorlugu, sanaartorfissagissaaneq qimminik nussuineramik kinguneqarpoq.

Maleruagassatigut tunngavigisaq

Pilersaarusiortneq aamma nunaminertat atorneqartarnerat pillugit Inatsisartut inatsisaat nr. 17, 17. november 2010-meersoq

Qimmeqarneq pillugu Qeqqata kommuniani ileqqoreqqusaq, 2014-imi aggustip 28-ani kommunalbestyrelsimit akuersissutigineqartoq.

Qeqqata Kommunianut 2012-imit 2024 tikillugu Kommuni pilersaarusiortifigineqarnerani tapiliussaq nr. 24 Sisimiuni Kangerluarsunnguami inuussutissarsiuuteqarfik B8.

1992-imit 2005 tikillugu Kommuni pilersaarusiortifigineqarneranut Qimmeqarneq pillugu tapiliussaq nr. 12

Pissutsit atuuttut

Siusinnerusukkut ukiut tamaasa januaarimi illoqarfiup qimmii kisinneqartarput. 2013-imit 2016 tikillugu qimmit 8-900 missaanik amerlassuseqarput. 2019-imit 2020 tikillugu qimmit 135-nik amerleriaateqarput. Ukiuni kingullerni Uumasunut Nakorsaqaarfik Inuussutissalerinermullu oqartussaqaarfimmit qaammatit pingasukkaarlugit qimmit kisinneqartarnissaat piumasarineqarpoq. 2021-mi Sisimiuni qimmit 1100-t 1160-illu akornanni amerlassusaat nikerarsimavoq. Takuuk ilanngussaq 1.

Ukiuni kingullerni qulini 15-inilu kingullerni illoqarfimmit qimminik nussuineq ingerlanneqarpoq. Ilaatigut nammineq kajumissutsikkut, arlalinnik qimuttoqarluni illoqarfikkut ingerlaarneq isumannaallimmat, ilaatigut illoqarfiup ineriartorneratigut illoqarfimmik eqititerinermi paaqqinnittarfiit, pisiniarfiit quleriaaani sanaartornerit amerlineratigut kiisalu inuussutissarsiortnermut immikkoortut ineriartornerisigut pinngitsaaliissumik nuussinerit. Illoqarfiup kangiani Qimmeqarfiup eqqaani qimmeqatigiit nuunneqartut inissinneqarput. Immikkoortoq taanna tamakkerluni saneraatigut tamatigut killilerneqarpoq: Kujammut kangimullu imeqarfiup killeqarfianik, kimmuut illoqarfimmit inuussutissarsiortnermilu immikkoortunit kiisalu kuussuarmit avannamut.

11

Maanna inissat ima annikitsigaat, maannakkut aqqusinikkut appakaaffissat taamaatsillugit qimmeqatigiinnut annertunerusunut nutaanut inissamik nassaarniarneq ajornakusuussalluni. Aqqusineeqqanik pilersitsisoqanngippat, qimmeqatigiinnut minnernut ikittuinnarnullu inissanik pissarsisoqarsinnaavoq.

Taamaattumik qimmilivinnut nunaminertanik annertunerusunik pissarsiniarnissaq pisariaqarpoq. Tulliuttutigut suliniuteqarnikkut tamanna aaqiivigineqarallarsinnaavoq. Siunissaq ungasinnerusoq eqqarsaatigalugu, qimmeqatigiinnut nutaamik pilersaarusiortoqassaaq. Siusinnerusukkut tamanna politikkikkut aalajangiunneqareerpoq, taamaattumillu tulliuttutigut suliniutip piviusunngortinnissaanut ilassutitut allaffeqarfik pilersaarusiornissaa pilersaarutaavoq. Aalajangiineq taanna 2018-imit 2022 tikillugu Pilersaarusiornermi periusissiami qupp. 27-mi takuneqarsinnaavoq. Suliniutaasinnaasoq tassaavoq, Qimmiviliup qummukajaavani eqqagassanut containerip 1-ip eqqaani aqquserngup pioreersup tallilernerqarnera, tamanna qimmilivinnik pingasunik pilersitsisinnaavoq. Qimmeqarfimmit avannamut, kuussuup tungaanut kussangajaakkut aqqusineeraliornikkut, inissat arlaqartut pissarsiarineqarsinnaapput. Kuussuarmit 100 m-i killigititaq 30 m-inut annikillisinneqarpat, inissat 20-25 missaaniittut pilersinneqarsinnaapput. Pinngortitaq avatangiisillu eqqarsaatigalugit tamanna unioqutitsinnginnerunera qulakkeerniarlugu, Avatangiisinut Naalackersuisoqarfik attavigineqarpoq. Killigititap, Kommuni pilersaarusiornifigineqarnerani tapiliussami nr. 24-mi nassuiaatigineqartutut 30 m-inut appartinneqarsinnaanera pillugu, Avatangiisinut Naalackersuisoqarfimmit nalunaarutigineqarpoq. Takuuk ilanngussaq 2-mi nunap assinga.

Atuilluartuunissakkut kingunerisinnaasai

Qimmit qimuttut qimussinillu angalasarneq kalaallit kulturianut pingaarutilerujussuuvoq, innuttaasullu arlaqartut qimminik qimussinillu angalasinnaaneq nuannaarutigineqarlunilu timigissaatigineqartarput. Kulturimut ilaasoq aammalu innuttaasut pitsaasumik peqqissumillu inuunisa imaqarnerat tapersersorniaanni, qimmeqatigiinnut naammattumik inissaqartitsinissaq atuilluartuuneruvoq.

Aningaasaqarnikkut allaffissornikkullu kingunerisinnaasai

Allaffeqarfiup siunnersuutigaa, siunissaq qaninnerusoq eqqarsaatigalugu qimmiliviit amigaataasut aaqiiviginissaanut, Qimmeqarfiup qummukajaavani eqqagassanut containeri 1 pioreersumi aqquserngup pioreersup tallilernerqarneratigut pissasoq. Tamanna 60.000 koruunit missaanik akeqassasoq nalilernerqarpoq. Qimmiliviit amerlinissaannut Qimmeqarfimmit kuussuup tungaanut avannamut ingerlavissamik pilersitsisoqarsinnaavoq, tamannalu sanaartornermik suliniutitut pilersinneqarluni 440.000 koruuninik akeqartussatut nalilernerqarpoq. Tassa imaappoq, qimmilivinnut nunaminertanik sanaartorfissagissaanermut katillugit 500.000 koruunit. Sanaartorfissagissaanermi qullersuaqanngitsunik ataasiinnamik ingerlavissalik ujaraaqqanik qalikkamik aningaasaliiffigineqassalluni, ujaqquarivikumut aqqusineq assigalugu.

2021-mi qimmeqarnermut immikkoortumut kommuni 800.000 koruunit missaanik aningaasartuuteqarpoq. Takuuk tulliuttumi eqitsit:

		2021
Ingerlatsinermut atuiffik	Qimmeqarneq uumasunillu ajoqutaasunik akiuiniarneq	425.812 kr.
	Qimmeqarfimmi aputaajaaneq	111.300 kr.
	Qimmeqarfimmut imeq	155.200 kr.
Aningaasartuutit allat	Allaffissornermi suliaqarnermut akissarsiat.	120.000 kr-nit missaani.
		812.312 kr.

Qimmilivinnik nutaanik pilersitsinermi aqquusinernik aserfallatsaaliinermut, imermik assartuinnermut ingerlatsinermut aningaasartuutit ukiumut 110.000 koruuninik qaffariaateqarnissaat missiliunneqarpoq.

Allaffeqarfiup naliliørnera

Qimmiliviit amigaataasut pillugit ajornartorsiuteqarnerup aaqqiiviginissaanut, suliniutit marluk naammassineqarneratigut inissanik amerlanerusunik pilersitsisoqarsinnaavoq. Aappaa Qimmeqarfiup kummukajaavani eqqagassanut containeri 1-imi aqquserngup pioreersup allilerneqarneratigut pisinnaavoq. Aappaalu Qimmeqarfiup avannaatungaani kuup tungaanut immikkoortup atuutilersinneratigut pisinnaalluni. Maannakkut kuussuarmit 100 m-inik killeqartitsivoq, taannali Kommuniq pilersaarusiorfigineqarnerani tapiliussaq nr. 24 naapertorlugu 30 m-inut appartinneqarsinnaavoq. Taamaaliørnikkut nunaminertani narsaamanerusuni inissanik pitsaasunik pilersitsisoqarsinnaassaaq. Qimmeqarfimmiillu immikkoortumut angallavissiamik pilersitsinissamik pisariaqartitsissaaq, taamaalillunilu appakaaffissaqalerluni. Angallavissiamik pilersitsineq katillugu 500.000 koruunit missaanik akeqassasoq nalilerneqarpoq. Tamanna qimmeqatigiinnut 25-t tikillugit inissamik pilersitsissasoq nalilerneqarpoq. Tamatuma saniatigut kuussuarmit killiliussap annikillineqarnera qimmeqarfiup kangiatungaani qimmilivinnik nutaanik amerlanerusunik periarfissiissaaq. Tamannalu ima isumaqarportaaq, ukiutoqariartornerani qummoroortunut containerinut ukiut tamaasa nunaminertamik atugassiisernerit kuussuarmit qaninnerusumut nuunneqarsinnaassallutik, aammalu qimmilivinnut inissanik pilersitsinissamat periarfissiillutik. Taamaalilluni allaffeqarfik naliliivoq, suliniutitut allaaserineqartut tamarmik piviusunngortinneqassappata, qimmilivinnut nutaanut 40-t tikillugit inissanik pilersitsisoqarsinnaasoq.

Qimmilivinnik nutaanik 40-nik pilersitsinermi aqquusinernik aserfallatsaaliinermut, imermik assartuinnermut ingerlatsinermut aningaasartuutit ukiumut 110.000 koruuninik qaffariaateqarnissaat missiliunneqarpoq, taakkulu ingerlatsinermut atuiffimmi 562040800-070303000-010580: Qimmeqarneru uumasunillu ajoqutaasunik akiuiniørnermi 2023-mit qaffaavigineqassallutik.

Qimmeqatigiinnut amerlanerusunut nutaanut inissanik nassaarniarneq piffissami sivisuumi unaminartuusimavoq. Inissanik amerlanerusunik pissarsinissaq pisariaqarluinnarpoq. Suliniutissatut siunnersuutigineqartut ajornartorsiummik aaqqiissutaassapput. Siunissaq unagsinnerusooq eqqarsaatigalugu, qimmit amerlassusiisa qanoq ineriartornerat pingaaruteqarluinnarpoq. Annertuumik amerliartussappata, taava ukiuaalunnguit qaangiuppata sumiiffinni allani immikkoortunik nutaanik nassaarniarnissaq pisariaqalersinnaavoq. Maannakkulli aaqqiissutissatut siunnersuutigineqartut naamakkallarput.

Piffissap ingerlaneranut allaffeqarfimmit nalilerneqarpoq, kommunimi qimmeqarnermut pilersaarusiorortoqartariaqartoq, taamaalilluni siunissamat ungasinnerusumut siunissami qanoq sumilu qimmeqartoqarnissaanik politikikkut kissaateqartoqarnerooq pilersaarusiortoqassalluni. Maannakkut pilersaarusiornermi tunngavik aammalu Qimmeqarfimmi qimmiliviit arlaqartut inissisimani aallaavigalugit, siunissami qimmeqarfiit illoqarfiullu ineriartortinneqarnerata akornanni aaqqiagiinninnik pilersitsisoqarsinnaavoq. Qimmeqarfik pillugu Kommuniq pilersaarusiorfigineqarnerani tapiliussaq nr. 24-mi pilersaarusiornermut tunngavimmi kangimut nutaamik ineriartortitsinissamik aalajangersaavoq. Tamanna isumaqarpoq, ineriartornerup ataavartumik piviusunngortinneqarnera ilutigalugu, qimmiliviit eqqorneqartut nuutsinneqartassat. Maannakkut taamaatsillugu, sumut innersuunneqartarnissaannut pilersaarusiorneqanngilaq. Qimmeqarnermut pilersaarusiornikkut tamanna qulakkeerneqarsinnaavoq, ilutigitillugulu akuttoqatigiimmik qimmiliviit nuutsinneqarnissaannik ernumanartortaqaanngitsumut immikkoortumik nassaarniartoqarnissaanut

sulisoqarsinnaassalluni. Tamanna qimmiutilinnut aamma iluaqutaasinnaavoq, qimmilivinnummi inissititerinermut atatillugu annertuumik aningaasartuuteqarsinnaammata, aammali allaffeqarfimmut inissivissanik nassaarniarnermut atugassiinissamullu allaffissornikkut suliaqarnermut atatillugu iluaqutaassalluni.

Innersuussut

Teknikkeqarnermut avatangiisinullu immikkoortortap Teknikkeqarnermut ataatsimiititaliamut, Aningaasaqarnermut ataatsimiititaliamut Kommunalbestyrelsemullu innersuussutigaa:

- Kommuniq pilersaarusiortifigineqarnerani tapiliussaqaq nr. 24 naapertorlugu, kuussuarmit 100 m-imik killigitap 30 m-imut appartineqarnera, ataatsimiititaliamut paasissutissiissutigineqassasoq.
- Sanaartornermut suliniutinut missingersuutini sanaartorfissagissaanermut aningaasartuutinit, atuiffimmut nutaamut ”qimmeqarfimmik sanaartorfissagissaaneq”-mut 500.000 koruuninik nuussisoqassasoq.
- Ukioq missiliuteqarfik 2023-mit siunissamullu qimmeqarfimmik ingerlatsinermut missingersuutit 110.000 koruuninik qaffaavigineqassasut.
- Suliniutit pineqartut naammassineqareerpata, qimmeqarneq pillugu pilersaarusiortnermut sulineq aallartinneqassasoq, ataatsimiititaliamut paasissutissiissutigineqassasoq.

Aalajangiineq

Akuersissutigineqarpoq

Ilanngussat

1. 2003-mit 2021 tikillugu Sisimiuni qimmit amerlassusii pillugit eqitsit.
2. Qimmeqarfimmi qimmilivinnut nunap assinga, inissanut nutaanut siunnersuutitalik.
3. Sanaartornermut suliniutinut missingersuutini sanaartorfissagissaanermut aningaasartuutinit, suliniummut nutaamut ”qimmeqarfimmik sanaartorfissagissaaneq”-mut 500.000 koruuninik nuussinermut eqitsit kiisalu ingerlatsinermut aningaasartuutit annertusineri excelarki.
4. excelarki Ilassutinut aningaasaliissutit

Imm. 4.4 Maniitsumi aalisartut talittarfiat puttasullu tattorliuuffiusut

Journal nr. XX.XX.XX

Tunuliaqutaq

Kommunalbestyrelsemut ilaasortat Aqqalu Skifte aamma Karl Lyberth Maniitsumi puttasut aammalu aalisartut talittarfiat pillugu oqaluuserisassanngortitsipput imaattunik:

Aqqalu Skifte:

“Maniitsumi aalisartut talittarfiat ukiut tamarluinnaasa ingammik ukiukkut ukiuni kingullerni tattorliuuffiugaluttuinnarpoq qanoq iliuuseqarfigisinnaavarput?

Namminersornerullutik oqartussat talittarfik akisussaaffigaat, kisianni talittarfiup qaavani pituffiit majuartarfiit oliakunut eqqaaviit kisiisa iliuuseqarfigisinnaavaat.

Angallatillu talinngaannartut iliuuseqarfigisinnaanagit.

Talittarfimmi angallatit umiatsiaqqallu anginerumaat eqqarsaatigalugit aallanngisaannartut ajornartorsiutaaleqqapput.

Anorlileraangallu imarluunniit aalassakkaangat takanani angallatinut assigiinngitsutigut annerusumik minnerusumilluunniit aseruatsitertoqalertarpoq.

Ukiuuneranilu angallatit avalaleriiaartillugit inunnik navialisoqartartoq nalunnigilarput angallatit qaavi pujatsillugit.

Eqqaaniittullu puttasut marluk taamatut suli aamma tattorliuuffiupput, taakkunani aamma ukiuunerani umiatsiaqqamiik umiatsiaqqamut ikaartornermi ataasiarani imaanut isittoqartarnikuuvoq, isumaqarpungalu tamanna navianarluinnartoq allaammi inuup inuuneranik akeqaratarsinnaanera ernumanarluni.

Qujanartumik massakkut Qeqqata Komuunia allagarseeqqavoq puttasuni umiatsiaqqat asuli talinngaannartut qanoq iliuuseqarfigeqqullugit.

Neriuppunga ataatsimiititaliami ilaasortanik talittarfik isummorsorfigineqarluassasoq.”

Karl Lyberth:

“Siusinnerusukkut eqqartorneqallattaarnikoq nalunnigikkaluarlugu oqaluuserisassanngorteqqippara. Pingaartumik illoqarfinni umiatsiaaqqanut puttasuni umiatsiaararpasuit atorreqassanatik uninngaannalersut annertuumik ajornartorsiutaajuarmata teknik-imut ataatsimiititaliami oqaluereqqittariaqaripput isumaqarpunga.

Umiatsiaararpasuit atorreqassanatik uninngaannartorpassuit puttasuniit peerneqarnissaat pillugu suna tamaat qulaarlugu misissorneqarnissaat pisariaqarluinnartoq isumaqarpunga. Siusinnerusukkut atorfilittaniit oqarfigitittarnikuuvugut umiatsiaaqqat inuttaat akuersitinnagit qanoq iliortoqarsinnaanngitsoq. Tamanna akueriuminaalluinnaleqqavoq taamaattumik periarfissanik suna tamaat tikillugu misissuinissaq piffissanngorsorivippara.”

Maleruagassatigut tunngavissat

Umiarsualivinni malittarisassaqaqtitsineq pillugu Namminersornerullutik Oqartussat nalunaarutaat nr. 1, 4. januari 2000-imeersoq.

Kommunip puttasuutaanut malittarisassiaq 2011-meersoq.

Pissutsit atuuttut

Aalisartut talittarfianni angallatit anginerusut amerlasuut avaleriiaarlutik talinngatinneqartarput, pituffiit assigisaallu Namminersorlutik Oqartussat sinnerlugit RAL-imiik akisussaaffigineqarlutik.

Angallatit aalisariutit saniatigut aamma angallatit angisuut aalisariutaanngitsut talinngatinneqarput ukiuunerani aallarnek ajortut uparuarneqartarluni. Maniitsumilu havnerådeqanngimmat immikkut isumaqatigiisummik malitassaqaanngilaq kikkut qaqugu talinngasinnaanerannik. Taamaakkaluortoq angallatit aalisariutaanngitsut aallarnek ajortut (aktive-unngitsut) eqqarsaatigalugit Namminersorlutik Oqartussat Nalunaarutaata qulaani allanneqartup malinneqarnissaanut nakkutilliisut RAL-ikkut allaffeqarfimmiik kaammattuummik saaffigineqarput aallarnek ajortunik angallataatilinnut saaffiginnissuteqassasut iliuuseqaqqusillutik, taamaaliortoqarniarporlu. (takuuk ilanngussaq 1).

Puttasut umiatsiaaqqanut umiatsialiffittut atorluarneqartaqaat. Ukiunilu kingullerni arlalinngortuni malunnarsigaluttuinnarpoq umiatsiaaqqat iluamik nakkutigineqanngitsut amerligaluttuinnartut, aasakkut siallertaqattaartillugu, ukiukkullu apisaqattaartillugu anorersuartillugulu takornartaanngilaq kivisoqartarnera, ukioq mannalut puttasuniittut kivinikut marluk aqqusinilerisunit qaqqinneqarput, puttasullu eqqaaniittut aamma marluk inuttaannut isumagitinneqarlutik.

Kangerloralummiittut puttasut ukiat tamaasa qaqqinneqartarput, taamaalillutik umiatsiaaqqat inuminnit isuma-gineqartarlutik. Aalisartut aqqaaniittut puttasofarfiit marluusut ukioq naallugu atatinneqartarput, tassanilu malunnarnerpaasarpoq nakkutigineqanngitsut amerlisoortarnerat. Ukiakkut puttasut qaqqinneqartartut qaqqinneqaraangata puttasut ukiukkut ataannartartut nutserfigineqartarput taamaalilluni inikilliuunneq annertusisarluni.

24. november 2021 allaffeqarfimminngaaniik allagarsiivugut umiatsiaaqqat atorneraqarnek ajortut inuttaasa iliuuseqarfigisariaqaraat.

28. December 2021 allagarseeqqippugut umiatsiaaqqat isumagineqanngitsut puttasuniit peerneqartalissasut.

Umiatsiaaqqat isumagineqanngitsut siusinnerusukkut iliuuserineqartarsimasooq assigalugu timersortarfiup saavatungaanut avalatsillugit inissinneqartaleqqinnissaat pilersaarutaavoq, tamannalu allagartaliinerup kinguneranik iliuuseqarfigineqarsimanngitsunut atuutsinneqartassalluni.

Aqqusinilerisut puttasunik aputaajaasarnertik iluatsillugu maliginartassavaat umiatsiaaqqat pitoqqasut sorliit isumagineqannginnersut.

Kommunep puttasuutaanut malittarisassiaq 2011-imeersoq malillugu umiatsiaaqqat 20 fods-imiit anginerusut pitoqqaqquusaanngitsut allassimasofarpoq, puttasut angallatinut anginerusunut uuttugaannginnerat pequtigineqarluni. (takuuk ilanngussaq 2).

Ullumikkulli takuneqarsinnaasutut tamanna amerlasuunit malinneqanngilaq umiatsiaaqqat 20 fods-iniik anginerusut pitoqqatinneqartarlutik. Umiatsiaaqqanut angivallaartunut peeqqusissutinik allagartalersuisoqartarpoq inissiffissaalli tassatuaalluni aalisartut talittarfiat. Taamaalilluni aamma aalisartut talittarfianni avaleriiaartunut amerlaqutinngorlutik inissinneqartariaqartarlutik.

Atuilluartuunissakkut kingunerisinnaasai

Angallatit umiatsiaaqqallu aallarnek ajortut inikilliuutsitsinerat iluarsivigineqarpat atuilluartuunerussaaq.

Aningaasaqarnikkut allaffissornikkullu kingunerisinnaasai

Aqqusinermi sulisut tiimit atugaasa saniatigut, kitsanut avalatsitsinermilu atortussat eqqaassanngikkaanni aningaasaqarnikkut annerusumik kinguneqassanngilaq.

Atorneqanngitsunilli qalluisoqartalissagaluarpat umiatsiaaqqamut qaqqitsineq ataaseq 500-900 kr-it missaani akeqartinneqartarpoq umiatsiaaqqap angissusaa apeqqutaalluni. Umiatsiaaqqap qaqqinneqartup inuttaa naluneqanngippat akiligassaq piginnittumut ingerlateqqinneqartarsinnaavoq, inuttassaqartinneqanngippalli kommunemit aningaasartuutigineqartariaqartassalluni.

Allaffeqarfiup naliliinera

Allaffeqarfiup nalilerpaa Kommuneputtasuutaanut malitassiaq 2011-imeersup nalilersoqqinneqarnissaa pisariaqartoq.

Periarfissaasinnaavortaaq puttasut aaliangersimasut immikkut malittarisassiuunneqarnissaat periarfissiissutigineqassasoq umiatsiaaqqat anginerulaat assersuutigalugu 23 fod-i tikillugu pitoqqatitsisinnaaneq periarfissiissutigalugu, taamaalilluni aasaanerani puttasuni inissakilliorfiusuni umiatsiaaqqat pitsaanerusumik atugassinneqarsinnaanerit iluaquserneqarsinnaalluni, uani Qeqqata Kommuniata puttasuutarfittaava Akunnequtip eqqaaniittoq allaffeqarfimmiit piukkunneqarluni.

Innersuussut

Teknikkimut Avatangiisinullu immikkoortortap innersuussutigivaa:

Aalisartut talittarfiat pillugu allaffeqarfiup RAL-imut saaffiginnissutaa tusaatissatut tiguneqassasoq.

Kommuneputtasuutaanut malittarisassat pillugit iliuusissamik aaliangiisoqassasoq.

Aalajangiineq

Kommunip Puttasunut malittarisassiaata nutarternissaanut siunnersuummik allaffeqarfik saqqummiissaaq.

Ilanngussat

1. Kommunip Puttasuutaanut malittarisassiaq

Imm. 8 Tamalaat

- Maniitsumi kalaalimineerniarfiup eqqaani eqqaaveqarneq iluarsivigineqarnissaa.
- Maniitsumi ukiuunerani sisorariartarfiup tungaanut aqquq imeqarfikkoortup allaffissornikkut suliarineqarneranut paasiniaaneq.